

## **Shona - MuMagwaro - Protection Scriptures**

**Ezekieli 3:18 - Jakobho 5:19,20 Hama dzangu, kana mumwe wenyu akatsauka kubva pachokwadi uye mumwe akamudzora, 20 murangarire izvi kuti: Ani naani anodzora mutadzi kubva panzira yokudarika kwake, achamuponesa kubva parufu uye achafukidza zvivi zvizhinji.**

**VaRoma 12:21 Usakundwa nezvakaipa, asi ukunde zvakaipa nezvakanaka.**

**MaPisarema 143:8,10 - Johani 14:26 Asi Munyaradzi, Mweya Mutsvene, uyo achatumwa naBaba muzita rangu, achakudzidzisai zvinhu zvose uye achakuyeuchidzai zvinhu zvose zvandakareva kwamuri.**

**MaPisarema 94:12 - Johani 16:13 Asi kana iye, Mweya wechokwadi, auya, achakutungamirirai muzvokwadi yose. Haangazotauri zvake; achataura zvaanenge anzwa chete, uye achakuudzai zvichauya.**

**Fananidzo - Zvirevo 27:12 - 1 VaKorinde 10:13 Hakuna muedzo wakakuwirai imi, kunze kwaiwo unowira munhu wose. Uye Mwari akatendeka, haangatenderi kuti muedzwe kupfuura pamunogona napo. Asi kana muchiedzwa, iye achakupai nzira yokubuda nayo kuti mugone kutsunga pairi.**

**VaFiripi 2:16 sezvamunobatirira pashoko roupenyu, kuitira kuti ndigozvirumbidza pazuva raKristu uye kuti handina kumhanya kana kushanda pasina.**

**Isaya 49:4 - VaGaratia 4:11 Ndinotya nokuda kwenyu, zvokuti ndinenge ndakatambisa simba rangu pamusoro penyu.**

**VaHebhreu 13:21 ngaakukwanisei nezvinhu zvose zvakanaka kuti muite kuda kwake, uye ngaaite mukati medu zvinhu zvinomufadza, nokuna Kristu Jesu, ngaave nokubwinya nokusingaperi-peri. Ameni.**

**1 VaKorinde 16:15 Munoziva kuti mhuri yaStefanasi ndivo vakava vatendi vokutanga muAkaya, uye vakazvipira kushumira vatsvene. Ndinokukurudzirai hama,**

**VaFiripi 1:27 Zvisinei hazvo, mufambe henyu nenzira yakafanira vhangeri raKristu. Ipapo, kunyange ndikauya kuzokuonai kana kunzwa nezvenyu ndisipo hangu, ndichaziva kuti mumire nesimba mumweya mumwe, muchirwa somunhu mumwe nokuda kwokutenda kwevhangeri,**

**1 VaKorinde 15:58 Naizvozvo, hama dzangu dzinodikanwa, mirai makasimba. Pashayiwe chinhu chingakuzungunusai. Muchishandira Ishe zvikuru nguva dzose, nokuti munoziva kuti kubata basa kwenyu muna She hakungavi pasina.**

**VaKorose 4:12 Eparafurasi, mumwe wenyu nomuranda waKristu Jesu, anokukwazisai. Anogara achirwa muminyengetero nokuda kwenyu, kuti mumire makasimba mukuda kwose kwaMwari, makura uye muzere nokuziva.**

**Jeremia 15:20 - VaRoma 8:31 Zvino tichatiiko pazvinhu izvi? Kana Mwari ari kurutivi rwedu, ndiani angatirwisa?**

**Jeremia 15:21 - Mateo 6:13 Uye musatitungamirira mukuedzwa, asi mutinunure kubva kuno wakaipa.'**

**MaPisarema 55:18 - 1 Johani 4:4 Imi, vana vanodikanwa, munobva kuna Mwari uye makavakunda, nokuti ari mamuri mukuru kuna iye ari munyika.**

**Ezekieli 30:24 - Luka 1:51 Iye akaita mabasa esimba noruoko rwake; akaparadzira avo vanozvikudza mundangariro dzemwoyo yavo.**

**Zvakazarurwa 3:18 Ndinokupa zano kuti utenge kwandiri goridhe rakanatswa nomoto, kuti upfume; uye uve nenguo chena dzokupfeka, kuitira kuti ufukidze nyadzi dzokusasimira kwako; nechizoro chokuisa mumeso ako, kuitira kuti ugone kuona.**

**1 Johani 3:17 Kana munhu ane pfuma uye akaona hama yake ichishayiwa, asi akasainzwira tsitsi, rudo rwaMwari runagara maari seiko?**

**Isaya 50:4 - Luka 21:15 Nokuti ndichakupai mashoko nouchenjeri zvokuti hakuna munhu pavavengi venyu achagona kuzviramba kana kuzvipikisa.**

**VaEfeso 6:10-12 Pakupedzisira, ivai nesimba muna She nomusimba rake guru. 11 Shongai nhumbi dzose dzokurwa nadzo dzaMwari kuti mugogona kumira muchirwa namano adhiabbori. 12 Nokuti hatirwi nenyama neropa, asi navabati, navanesimba, namasimba enyika ino yerima uye namasimba emweya yakaipa ari muchadenga.**

**MaPisarema 18:39 - 1 VaKorinde 15:25 Nokuti anofanira kubata ushe kusvikira aisa vavengi vake vose pasi petsoka dzake.**

**2 Samueri 22:40 - VaKorose 1:11 muchisimbwa nesimba rose maererano nokubwinya kwesimba rake kuti muve nokutsunga kukuru uye nomwoyo murefu, muchifara kwazvo**

**MaPisarema 89:43 - VaEfeso 6:13,14 Naizvozvo shongai nhumbi dzose dzokurwa nadzo dzaMwari, kuti panosvika zuva rakaipa, mugokwanisa kumira, uye mushure mokunge maita zvinhu zvose, kuti mumire. 14 Zvino mirai nesimba, makasunga bhanhire rechokwadi muchiuno chenyu, nechidzitiro chechipfuva chokurarama,**

**Ezekieli 13:6 - Mako 13:22 Nokuti vanaKristu venhema navaprofita venhema vachaonekwa uye vachaita zviratidzo nezvishamiso kuti vatsause vatsvene, kana dai zvichigona.**

**1 VaKorinde 14:8 Uyezve kana hwamanda isingariri kwazvo, ndianiko angagadzirira kundorwa?**

**Luka 10:19 Ndakupai simba rokuti mutsike pamusoro penyoka nezvinyavada uye kuti mukunde simba rose romuvengi; hakuna chichakukuvadzai.**

**2 VaKorinde 7:10 Nokuti kusuwa kwouMwari kunouyisa kutendeuka uko kunotungamirira kuruponeso uye hakuuyisi kudemba, asi kusuwa kwenyika kunouyisa rufu.**

**2 Timoti 2:25,26 Vaya vanomupikisa anofanira kuvadzidzisa nounyoro, aine**

**tariro yokuti Mwari achavapa kutendeuka vagoziva chokwadi, 26 uye kuti vachapengenuka vagopunyuka kubva mumusungo wadhiabgori, akavaita nhapwa kuti vaite kuda kwake.**

**Nehemia 4:15 - Mabasa Avapostori 5:38 Naizvozvo, panyaya iyi ndinokurayirai kuti: Regai vanhu ava vakadaro! Regai vaende! Nokuti kana kufunga kwavo kuri kwomunhu, kuchaguma.**

**MaPisarema 73:24 - Jakobho 1:5 Kana mumwe wenyu achishayiwa uchenjeri, ngaakumbire kuna Mwari, anopa zvakawanda kuna vose asingatsvaki mhosva, uye achapiwa hake.**

**Jeremia 1:18 Nhasi ndakuvakira guta rakakomberedza nembiru yesimbi namasvingo endarira, kuti urwe nenyika yose, urwe namadzimambo eJudha, namachinda avo, navaprista vavo uye navanhu venyika.**

**Jeremia 6:27 “Ndakakuita muedzi wamatara navanhu vangu mhangura, kuti ucherechedze nokuedza nzira dzavo.**

**Navarevi - Revhitiko 26:19 Ndichaputsa kuzvikudza kwenyu ndigoita kuti denga renyu rive sesimbi, uye ivhu riri pasi penyu sendarira.**

**Navarevi - Revhitiko 26:37 Vachabonderana sokunge vanotiza munondo, kunyange pasina anovadzinganisa. Saka hamuzogoni kumira pamperi pavavengi venyu.**

**Dhuteronomi 23:5 Asi, Jehovha Mwari wenyu haana kuteerera Bharamu asi akashandura kutuka akakuropafadzai, nokuti Jehovha Mwari wenyu anokudai.**

**2 Mambo - 2 Madzimambo 19:34 Ndichadzivirira guta rino uye ndichariponesa, nokuda kwangu uye nokuda kwaDhavidhi muranda wangu.”**

**MaPisarema 76:3 Ndipo paakavhuna miseve inovaima, nhoo neminondo, izvo zvombo zvokurwa. Sera.**

**Jobho 15:24 Kutambudzika nokurwadziwa zvinomuzadza nokuya; zvinomukunda, samambo amirira kurwisa,**

**1 MaKoronike 12:8 Vamwe vaGadhi vakazvitsaurawo vakaenda kwaiva naDhavidhi kunhare yake kurenje. Vaiva varwi vakashinga, vakagadzirira kurwa uye vaigona kubata nhoo nepfumo. Zviso zvavo zvaiva zviso zveshumba, uye vaimhanya semharapara mumakomo.**

**1 MaKoronike 12:33,38 varume vokwaZebhuruni, varwi vaiziva, vakanga vakagadzirira kurwa nezvombo zvemhando dzose, vakauya kuzobatsira Dhavidhi nomwoyo wakaperera, vaiva zviuru makumi mashanu; 38 Ava vose vaiva varume vokurwa vakazvipira kundorwa. Vakauya paHebhuroni vakagadzirira zvizere kuzogadza Dhavidhi kuti ave mambo welsraeri. Vamwe valsraeri vose vaiva nomwoyo mumwe chete wokuti vaite Dhavidhi mambo.**